

Gottfriedson et al. v. His Majesty the King in Right of Canada

(Dibaakinige gamig Zigakibiigan Gindaasowin T-1542-12)

Owi giizhiikigewin bezhigwendamowin agii gashkitchigaademigad biitwi newen Giigidotamaaged Dekonigejig Anishinaabekan miinwaa Gimaawin maampii Gaanada, owi moshkin miinwaa gegipii giizhendaagwod owi Anishinaabek Nanaawitowin Maamowi Yaang Dikonigewin.

Anishinaabe Endaang Gikinomaage Gamigoon
Anishinaabek Nanaawitowin Maamowi Yaang Dikonigewin

Owi Anishinaabek Nanaawitowin Maamowi Yaang Dikonigewin aawon dikonigaazad Gimaawin maampii Gaanada. Owi dikonigewin aawan owi maamowi wiisgaapinewinan nigaagowinan gewe Giizhaa Agaa Yaajig odeniwinan owi onji Anishinaabe Endaang Gikinomaage Gamigoon. Owi dikonigewin kidomigad owi Gimaawin maampii Gaanada odindiwiniiwaa newen binaajichigewinan gewe Giizhaa Agaa Yaajig odenwinan agaa zhichigemigag owi Anishinaabe Endaang Gikinomaage Gamigoon zhichigewin, miinwaa memdage, owi maamowi wiisgaapinewinan nigaagowinan newen Giizhaa Agaa Yaajig odeniwinan onji owi naajichigaademiag iniwewin miinwaa inaadiziwin zaam onji Anishinaabe Endaang Gikinomaage Gamigoon.

Maanda dikonigewin gaawii aawizinon wiisgaapinewinan nigaagowaad bebezhiig bemaadizijig agaa zhaabiwijig agaa zhaawaad Anishinaabe Endaang Gikinomaage Gamigoon – dash meshkod owi aawon maamowi wiisgaapinewinan nigaagowinan gewe Giizhaa Agaa Yaajig odeniwinan aawiwaad maamowi yaajig owi onji Anishinaabe Endaang Gikinomaage Gamigoon.

Maanda dikonigewin agii biijigaademigad owa e'giigidotamaaged dekonigejig First Nations Tk'emlúps te Secwépemc miinwaa shíshálh Nation (gewe "Giigidotamaaged Dekonigejig Anishinaabek"), eyaamiwaad aasgaabiwitaagewin owi Grand Council gewe Omashkiigwog (Eeyou Istchee).

Niswaag shi niishtana shi naanan Anishinaabe Anishinaabek aawiwog waajii-ejig owi dikonigewin. Awii digoyaawaad, Anishinaabek aabdeg agii "bozibiigewog" maage "wijii-ewog owi dikonigewin owi agaa giikinigaademigag shkwaasemigag bozibiigeng Odemin-giizis 30, 2022. Owi boozibigewin ayaawong zhaashigwa gibaakogaademigad, miinwaa gaawii maamdaa ayaabi awii wijii-eng owi dikonigewin. Owi moshkin zhibiigaademigag gewe Anishinaabek agaa wijii-ejig owi dikonigewin, a'zhaan odi www.bandrepairs.ca

Giizhiikigewin Bezhiigwendamowin

Owi bezhiigwendamowin onjibaamigad newen **Niiwin Aaswaakogan Nyaagijigaadegin**, memindage:

- Bimaajitoong miinwaa gnowenjigaademigag newen Giizhaa Agaa Yaajig iniwewinan;
- Bimaajitoong miinwaa gnowenjigaademigag newen Giizhaa Agaa Yaajig inaadiziwinan;
- Mina Yaawin newen Giizhaa Agaa Yaajig odenwinan miinwaa gewe debendaagozijig;
- Gagaandinigaademigag miinwaa ginowenjigaademigag gete bimaadiziwin.

Owi gimaawin maampii Gaanada ada miigwen dibagewin owi \$2,800,000,000 (owi “Zhoonyaa”) odi Apenimowin/Gaawii-Wiinwaa-Ondiziwaad awii moshkin miinwaa gegipii giizhendaagwod owi Anishinaabek Nanaawitowin Maamowi Yaang Dikonigewin.

Owi Apenimowin/Gaawii-Wiinwaa-Ondiziwaad ada naagidowenjigewog awii nibwaakaa binaajichigaademigad awii zhoonyaakaajigaademigag owi Zhoonyaa, miinwaa swe-ookiwaad owi Zhoonyaa gewe niswaak shi niishtan shi naanon maamowi yaang waajii-ejig awii aasgaabiwichigaadeg newen Niiwin Aaswaakogan Nyaagijigaadegin naagidowaad owi Maadokiing Naaknigewin.

Owi **Maadokiing Naaknigewin** ada digosinon ninda eni zhibiigaademigag:

- **Inaakinigaademigag zhoonyaa:** Ensa bezhig Anishinaabek Maamowi Yaang waajii-ed ada debinaan owi shkintam nigoding dibagewin owi \$200,000 owi onji zhichigaademigag inaankinigewin awii bamiikaademigag bezhig maage woshme newen nandawenjigaadegin miinwaa enaabadag newen Niiwin Aaswaakoganan;
- **Oshki Maajiishkaachigeng Zhoonyaa:** Apii debinigaademigag miinwaa nda-gikenjigaademigag owi inaaknigewin onjibidemigag Anishinaabek, owi Zhoonyaa ada maadokiim owi Oshki Maajiishkaachigeng Zhoonyaa, owi age aawong naasaab owi Anishinaabek gewiinwaa ado bakwenimaadiwin owi \$325,000,000, owi 40% aawong owi memaanji dibasaag minik, owi eshkosemigag 60% ada nikaazam awii aanjisijigaadeg owi minik bemaadizijig eyaawaad. Owi memaanji dibasaag minik aawon naasaab minik debamaagaaziwaad ensa bezhig Anishinaabek. Gewe Bimaaknigejig ada giizhendamog owi maagsemigag aanjisijigaadeg owi onji waasa wekamig owi Oshki Maajiishkaachigeng Zhoonyaa, wegwengwa minik zhoonyaa nendowendaagwog awii dibegenjigaadeg owi waasa wekamig aawong aanke minik owi \$325,000,000.
- **Ensa Nigo Biboon Dibamaadiwin:** Ensa bezhig Anishinaabek ada debinaan owi maadokiwin owi nigo biboon zhoonyaa binaajichigaadeg zhoonyaakewin etemigag awii swenigaademigag. Owi maadokidaadiwin naasaab ada aawon owi Anishinaabek ado bakwenimaadiwin, aanjisijigaadeg owi minik bemaadizijig e'yaawaad miinwaa epiichi waasa wekamig.

Kina zhoonyaa ishkosemigag zhiwe Zhoonyaa shkwaa dibagaademigag newen Inaaknigewin Zhoonyaa miinwaa owi Maajiishkaachigeng Zhoonyaa ada nibwaakaa binaajichigaademigad awii zhoonyaakaajigaademigag owi Apenimowin/Gaawii-Wiinwaa-Ondiziwaad naagidowaad owi gikendaasiwin.

Owi Zhoonyaa ada bamibidemigad niishtana daso-biboon.

Owi niishtana daso-biboon bamibidemigag owi Zhoonyaa, owi Ensa Nigo Biboon Dibamaadiwin dibagewin ada miigwem onji owi binaajichigaademigag zhoonyaa ondiziwin owi Zhoonyaa. Owi Ishkonigaadeg owi Zhoonyaa ada ginowenjigaademigad.

Ani shkwaasemigag owi niishtana biboon bamibidemigag owi Zhoonyaa, owi eshkosemigag zhoonyaa e'digosin owi ishkonigaadeg owi Zhoonyaa miinwaa wegwengwa gaawii agaa swenigaadesinag zhoonyaa agaa gashkichigaadeg ada swenigaademigad gewe Maamowi Yaajig. Ensa bezhig Anishinaabek ado maadookodaadiwin naasaab ada aawon owi owa Anishinaabek minik enigokwaag ado bakwenimaadiwin owi eshkosemigag zhoonyaa.

Owi Apenimowin/Gaawii-Wiinwaa-Ondiziwaad ada naagidowenjigewog owi awii giizhendamowaad owi Maadokiing Naaknigewin, owi age digosing owi memaanji dibasaag minik, minik bemaadizijig ayaawaad aanjisijigewin, miinwaa owi apii waasa wekamig aanjisijigewin. Owi dibaabijigewin ada onagimigaade 40% owi memaanji dibasaag minik, miinwaa 60% owi minik bemaadizijig eyaawaad miinwaa waasapii wekamig aanjisijigewinan.

Owi Apenimowin/Gaawii-Wiinwaa-Ondiziwaad ada bimaakinigaademigad owi bemaakinigejig ayaawiwaad zhaangswi Giizhaa Aгаа Yaajig naagaanzijig, nishwaaswi minik age wenaamjigaaziwaad owi zhichigewin digoyaawaad Giigidotamaaged Dekonigejig Anishinaabek miinwaa, owi gewe Akiing Naagaanzijig, gewe Maamowi Yaang Waajii-ejig, miinwaa bezhig gewe ada wenaamjigaaza owa Gaanada.

Owi Apenimowin/Genwenjiged ada yaawog kiinsing giigidotamaagejig.

Meshkodonimaadiwin newen bamitaagewinan owi giizhendamowin, gewe Anishinaabek Maamowi Yaang Waajii-ejig nendaagoziwog awii giizhendamowaad owi bagidinigewin age nigaasimigwaad awii biidowaad wegwen gwa onashowe gagwedwewin niigaan ani aawong owa Gaanada newen onji maamowi wiisgaapinewinan agaa zhiwebiziwaad onji owi maajiishkaachigaadeg miinwaa bamibidechigaadeg newen Anishinaabe Endaang Gikinomaage Gamigoon.

Giigidoninwog engindaasiwaad miinwaa binaajichigewin agaa yaamiwaad epiichi dazhiikamowaad owi dikonigewin ada dibagaademigad owi Gimaawin maampii Gaanada miinwaa gaawii ada bamigaadesino zhiwe dibagese zhoonyaa debamaagaaziwaad gewe Anishinaabek Maamowi Yaang. Gaanada agii giizhendama awii dibaged \$20,000,000 kina newen onashowe engindeg minwaa owi binaajichigewin.

Ginoonad Maamowi Yaang Giigidonini

Waddell Phillips Professional Corporation

Giigido-biiwaabikons: 1-888-370-1045 (wenpash)

Mazinaakozigan Biiwaabkoons: 416-477-1657

Waasamo-Asabi Biiwaabikoons Zhibiigan: bandclass@waddellphillips.ca

Owi: Band Reparations Class Action